



Jane Petersen  
Inatsisartuni ilaasortaq  
c/o Bureau for Inatsisartut

Asasara Jane Petersen,

Inatsisartut suleriaasianni § 37, imm. 1 naapertorlugu ulloq 17. februar 2011-mi apequtit kinguliiniittut saqqummiussimavatit:

1. *Naalakkersuisut pilersaaruteqarpat issittumi nunatta nammineq soqutigisaanik politikkikkut iliuusissamik aalajangersaanissaminut?*
2. *Naalakkersuisut soqutiginnippat ukiuni tullinnguuttuni issittup soqutigneqariartuinnarnera aammalu silaannaap allanngoriartornerata ilutigisaanik aningaasanut inatsisissamut 2012-mut taakkununnga tunngasumik aningaasaliinissaminut?*
3. *Naalakkersuisut pilersaaruteqarpat Nunavut aammalu Nunavik peqatigalugit issittumi pissutsinut tunngatillugu suleqatigiissuteqassallutik?*

Apequtitit qujassutigalugit paasissutissiissutigissavakka makku:

### **Issittumut periusissat**

2011-mi ukiakkut ataatsimiinnermi Nunanut allanut tunngasutigut naalackersuinikkut Periusissat Naalakkersuisut saqqummiutissavaat. Tamanna 2010-mi upernakkut ataatsimiinnermi Nunanut allanut tunngasutigut naalackersuinikkut ingerlatsineq pillugu Nassuiaatip oqallisigineqarneranut atatillugu aalajangiunneqarpoq. Nunanut allanut tunngasutigut naalackersuinikkut periusissap imarissavaa Issittumut tunngatillugu Namminersortik Oqartussat qanoq inissisimanerat.

Tamatuma saniatigut issittumut periusissap Naalagaaffeqatigiinni tamarmi atuuttussap nunanut allanut ministeriaqarfik suleqatigalugu oqaasertalersorneqarnissaa ilungersuullugu Naalakkersuisut suliaaraat. Nunanut allanut ministerimik Lene Espersen 6. september 2010-mi ataatsimeeqateqarninni isumaqatigiissutigineqarpoq naalagaaffiit issittumittut allat perusiat Naalagaaffeqatigiinnit malinneqassasoq uagullu najugaqarfigisatsinni ineriartortitsinissamut periusissaq oqaasertalersorneqassasoq.

Naalakkersuisut kisimiillutik oqaasertaliinissaannut taarsiullugu issittumut periusissap oqaasertalerneqarnissaa Naalagaaffeqatigiinnit pisussaaffippiaavoq. Tamatumunnga pissutaavoq periusissami taamaattumi naalackersuinikkut suliassaqarfiit amerlasuut suli nuunneqarsimannnginnerat imaluunniit nuunneqarsinnaannginnerat. Tamakku saniatigut naalagaaffeqatigiit periusissaat Danskit Naalakkersuisuinit, Inatsisartunit aamma Naalakkersuisunit ataatsimoorluni saqqummiunneqartoq nunat tamalaat akornanni malunnaateqarnerussaaq Kalaallit Nunaata kisimiilluni suliaaniit.

### **Issittup soqutigneqariartuinnarnerata aningaasalersorneqarnissaa**

Issittup soqutigneqariartuinnarnerata aammalu pingaartumik silap pissusaata allanngoriartornerata ilutigisaanik Sullualuk aqqusaarlugu umiarsuartigut usinik assartuussisinaalernissamut periarfissat kingunerisaannik 2012-imut aningaasanut inatsisissami aningaasanik immikkoortitsisoqarsinnaanersoq apeqqutigaat. Tassunga atatillugu aammaarlunga innersuussutigissavara tamatuma naalagaaffeqatigiinnit suliassaqarfiunera, naak tamanna aamma uagutsinniit aningaasartuuteqarfiusaraluartoq.

14. marts 2011  
Sagsnr. 2011-046106  
Dok. Nr. 570353

Postboks 1340  
3900 Nuuk  
Tlf. (+299) 34 50 00  
(+299) 32 93 98  
E-mail: nap@nanoq.gl  
www.nanoq.gl

Imaani ajutoortoqarnerani suliqaarnissamut upalungaarsimaneq pitsaanerulersinniarlugu sulineq annertoq maannakkorpiaq ingerlanneqarpoq, tamanna taaneqarpoq Search and Rescue (SAR). Tamanna naalagaaffiup susassaqaqfigaluarpa, Naalackersuisut tamanna peqataaffigaat sumiiffimmi paasisimasaqarneq aqputigalugu. Taamaammatt SAR pillugu suleqatigiinnissap isumaqatigiissutigineqarnissaa pillugu Issittumi Siunnersuisooqatigiinni isumaqatigiinniartoqarpoq, naatsorsuutigineqarpoq tamanna siunnersuisooqatigiit 2011-mi majimi Nuummi ataatsimiinnerannut atatillugu atsiorneqassasoq.

Aammattaaq issittumi Avatangiisinut Pinngortitamullu tunngasuni suliniutit arlallit Issittumi Siunnersuisooqatigiit ingerlataanni silap pissusaata allanngoriartorneranut tunngasuni Kalaallit Nunaat peqataavoq. Ilanngullugu erseqqissarneqassaaq Kalaallit Nunaat Naalagaaffeqatigiit sinnerlugit Issittumi Siunnersuisooqatigiit suleqatigiissitaanni CAFF (Conservation of Arctic Flora and Fauna) peqataasoq tassungalu atatillugu CAFF-ip alattoqarfianut Naalagaaffeqatigiit akileeqaataassutaat aningaasalersorlugit.

Issittoqarfinni avatangiisinut ministerit ataatsimeersuarnerat 2010-mi Kalaallit Nunaata aaqjissuisooqataaffigaa Nunami namminermit pissutsinut, Pinngortitamut Avatangiisinullu Naalackersuisunut ilaasortaq Anthon Frederiksen aqputigalugu. Ataatsimiinnermit pingaarnertut sammineqarpoq issittumi imaani avatangiisit, tamanna silap pissusaata allanngoriartorneranut aammalu umiartornermit, takornariaqarnermit aatsitassarsiornermilu ingerlatat annertusiartuinnassangatinneqarnerannut atatillugu. Sammineqartut ilagaattaaq kaammattuutit Issittumi Siunnersuisooqatigiit 2009-mi aaqjissuussaani Marine Shipping Assessment (AMSA) saqqummiunneqartut malitseqartinneqarnissaat.

Taamaattumik silap pissusaata allanngoriartorneranik pissuteqartumik issittup imartaani angallassinissamut soqutiginnikkiartuinnarnerup isumatusaartumik pingaarnersuiiffigineqarnissaa eqqarsaatigalugu suliassaqaqfiit arlallit Naalackersuisut peqataaffigaat. Nunanut allanut suliassaqaqfimmuut aningaasaliissutit suliassat tamaasa matumanittaaq Issittumut tunngasut ataatsimut isigalugit matussusissavaat. Aningaasaliissutit amerlanerulersinneqarnissaat pillugu apeqqut 2012-imut aningaasanut inatsisissap suliari- neqarneranut saqqummiunneqarneranullu atatillugu nalilersuiffigineqarumaarput.

### **Nunavut / Nunavik suleqatigineqarnerat**

Issittoq pillugu apeqqutit pillugit Kalaallit Nunaata nunat sanilerisani tamaasa suleqatigai. Tamatumunnga periarfissaqaqput Issittumi Siunnersuisooqatigiinni peqataanitsigut, ICC aqputigalugu kingusinnerpaamillu Inuit Leaders Summit aqputigalugu, taanna Naalackersuisunut ilaasortat allat marluk peqatigalugit februarip qaammataani peqataaffigaara.

Akuttunngitsumik ataatsimeeqatigisarpakka Canadap avannamut kangimut immikkoortortaasa sinnisui suliassaqaqfiillu periarfissaqaqfigisagut suleqatigiiffigaagut. Canadamili nunap immikkoortui, matumani Nunavut aamma Nunavik, uagutsinnut naleqqiullugu suliassaqaqfinni arlaqaqisuni canadami naalagaaffeqatigiinnit susassaqaqfigineqarnerat pissutigalugu killilimmik periarfissaqaqput.

Taamaakkaluartoq suleqatigiinneqarpoq, taamaalilluta kititsinni naggueqatigullu paasisimalikkatsinnik tunniussueqatigiissinnaavugut. Nunat sanilerisagut qaqugukkulluunniit tikilluaqquagut periarfissaqaqfitsigullu suleqatigisinnaallugit.

Neriutigaara qulaani allassimasutigut Naalackersuisut sinnerlugit apeqqutitit akisimasallugit.

Inussiarnersumik inuulluaqqusillunga

